



柏堂集後編卷第十九

附告神文

告先師孔子文

維大清同治十有一年六月初四日棗強縣知縣方宗誠等謹告至聖先師孔子曰惟先師德配天地道冠古今刪述六經師表萬世故歷代帝王制禮崇祀並以先賢先儒從祀兩廡典禮至隆罔敢不敬今於三月奉旨以先儒張履祥有羽翼聖經維持文教之功用浙江學政及禮部奏議允其從祀先師廟之東廡宗誠等謹遵 旨擇日奉先儒張履祥之主入廟從祀敢告

告先儒張子從祀文廟文

集後編十九

一

維大清同治十一年六月初四日知棗強縣事方宗誠等謹致告於先儒張子楊園先生之神前曰伏維先生志存西銘行履中庸憲章程未祖述孔孟循下學上達之序致居敬窮理之功采善不遺細微畜德必期光大故能隱居非志邈世聞修知見日極於高明踐履日歸於篤實近接薛胡之正脈遠紹濂洛之心傳敦行不爲空言著書皆裨世教今逢我 皇上崇儒重道稽古右文於今春以禮部議準浙江學政徐樹銘奏請以先生從祀文廟奉 旨依議飭各直省府州縣學奉先生主從祀至聖孔子廟庭其位次杜東廡先儒孫子奇逢之次宗誠少讀先生之書潛翫服膺遵爲師範今忝爲



邑宰謹遵 旨虔恭立主從祀敬以牲帛酒果致告尚  
響

告宋儒袁子從祀文廟文

維大清同治十三年四月十六日知棗強縣事方宗誠  
等謹致告於先儒袁子正獻公絜齋先生之神前曰伏  
維先生幼以名節自期長得金谿指授立身具有本末  
學問確有淵源稽古博文反身實踐精思窮原而不滯  
於師說兢業守道而不蹈於空談著書垂世則剖析義  
理之精微正色立朝則敷陳時政之得失危言讜論愷  
切詳明出處進退恬淡靜默教諸生於太學則以切己  
反躬忠信篤實為根本格君心於輪對則以恫天仁民

集後編十九

二

進賢遠佞為治原當時既尊為醕儒後世實堪為師表  
是以 高宗純皇帝既命儒臣著錄其書於 四

庫中復命史官纂刻其集於 武英殿俾為體用兼符  
君子之儒 聖言煌煌萬世瞻仰同治七年冬禮部

議準浙江巡撫馬新貽題請以先生從祀文廟奉 旨  
依議飭各直省府州縣學奉先生主從祀至聖先師孔

子廟庭其位次杜西廡先儒呂子祖謙之次宗誠忝為  
邑宰檢察舊卷謹遵 旨虔恭立主從祀敬以牲帛酒

果致告尚響

告先儒陸子桴亭先生從祀文

維大清光緒二年六月二十四日知直隸棗強縣事方

宗誠謹致告於先儒陸子桴亭先生之位前曰伏維先生生世丁剝復之交潛德處貞元之會不仕進閭室純修篤志聖賢間道甚蚤紹程朱之正學闡孔孟之遺書本居敬窮理爲課程毫無心學躐等之弊非濟世安民爲實際不涉俗儒隘陋之規博大何亞於亭林船山而加之以純一不雜奧衍且過於黎州二曲而進之以純粹以精當時石友見重於盛江並世名賢交推於張陸箸述洵堪羽翼經傳德行尤足師表人倫我朝稽古右文崇儒重道 高宗純皇帝既采先生息辨鋒鐸於 四庫之中今 皇上於元年十一月十五日復用禮臣言以先生從祀文廟西廡先儒黃子道周之

集後編十九

三

次宗誠少嗜讀先生之書愧不能爲先生之學今爲邑宰謹率官紳遵 旨虔恭奉先生位從祀敢告

告先儒許氏從祀文

維大清光緒三年正月二十六日知棗強縣事方宗誠等謹致告於先儒漢大尉南閣祭酒許子叔重之神前曰伏以性道義理端由訓詁以明成德達材必自小學爲始惟先儒性篤學博載杜漢書五經無雙播諸輿誦生當秦火焚書之後力任經師守闕之功博采通人網羅古訓所撰說文解字五經異義究六書之旨分部類從攷諸經之文彊授遠紹鄭氏雖有駁義實重其書朱子所著羣經常引其說洵爲聖經之羽翼實係後學之

津梁生不愧聖人之徒沒空隆明禋之典我 皇上

崇儒重道稽古右文光緒元年八月國子監司業汪鳴鸞奏請以先儒從祀文廟欽奉 上諭飭禮部議奏

議上奉 旨從祀東廡先儒后氏之次謹擇吉日恭立神位入廟朝見至聖先師永安東廡箸爲令典敢告尚饗

告先儒劉子漢河間獻王從祀文

維大清光緒四年二月朔知冀州棗強縣事方宗誠謹率同官紳致告於先儒漢河間獻王劉子之神前曰伏以道藉聖經而傳經因賢傳以著笈當秦火焚書之後全賴漢儒抱殘之功維先儒生爲帝室之英志續儒者

集後編十九

四

之緒修學好古富賢不淫於其心說禮敦詩實事必非其至是招致四方道術之士搜羅六藝經世之書始立毛氏詩左氏春秋於學宮復傳禮禮記周官尚書於後世凡七十子之徒所論及孟子老子之屬算非賴先儒之傳寫始能致千古之流傳迹其事君也獻雅樂推道術文約而指眇攷其束躬也守溫恭修禮樂身端而行治是誠被服儒者之道實有羽翼經傳之功生旣其推爲純儒沒空崇報以祀典光緒二年六月河南學政費延釐奏請以先儒從祀文廟三年九月十二日由禮部議準復奏是日奉 旨以先儒從祀西廡位杜先儒董子之次謹遵 旨虔恭奉先儒位從祀敢告

告先儒張子清恪公從祀文

維大清光緒五年閏三月朔日知棗強縣事方宗誠等謹致告於先儒張子清恪公敬庵先生之神位前曰伏維先生生稟乾剛之性學以聖道爲宗行已片念無欺當官一介不苟遭逢 聖嗣之世體立用行幸事

堯舜之君德修名立其始治河也蒙 御書布澤安

流之褒其後撫閩也荷 御書廉惠宣猷之賜其杜

江南被劾也 聖祖稱公爲天下清官第一而責諸

臣變亂是非之眞其長禮部議政也 世宗賜公以禮

樂名臣御書而倦念公崇正勵直之奏險夷一節 朝

野同欽入仕不以利害動其心剛大之氣塞乎宇宙論

集後編十九

五

學惟以程朱正其軌異端之說棄如土苴侍直 經筵

必本修齊治平之道以爲啓沃精心編纂闡發濂洛關

閩之書播於士林洵稱一代之儒宗足紹千秋之正軌

光緒四年九月二十日奉 旨以先生從祀 先師

廟之東廡用河南學政費延釐及禮部議也宗誠謹遵

旨恭立神位入廟朝見至聖先師永安東廡位次敢告

告宋儒輔子漢卿先生從祀文

伏維先儒性生侗儻趨向堅貞始從事乎東萊已抱希

賢希聖之志繼受學於徽國遂成淑身淑世之英居都

城聲利之場閭室潛修味眾人之所不味當姦臣僞學

之禁忘身守道爲舉世之所不爲洵剛毅而近仁直衷

險之一節識真守正不少淫於異說較前賢似勝游揚  
切問近思能倡教以躬行於師門竝僱萸輔力辭禔仕  
心醉聖經論孟答問諸解纂集義疏諸書既見采於我  
朝 欽定詩禮之中復箸錄於 四庫全書總目之

列凡此翼經明道信足繼往開來方今稽古崇儒自應  
明禮典祀光緒五年十二月奉 旨依禮部議準浙江  
巡撫奏請以先生從祀文廟西廡位杜黃氏之次宗誠  
奉文後敬請先生位入廟謁見至聖先師永遠從祀敢  
告

勅建敬義書院落成祭太公董子文

維大清光緒二年二月癸亥朔知棗強縣事方宗誠等

集後編十九

六

因大原書院久廢勅建敬義書院既落成謹率同官紳  
致祭於周聖師太公漢大賢董子之神位前曰伏維太  
公紹見知之真傳闡丹書之大訓敬勝義勝二語實為  
王者之師攷其先困於棘津著杜史冊至於今祠宇久  
毀野祭不經是以宗誠取丹書之言為書院之額恭立  
神位於見知閣即永為太公之祠惟先賢董子籍箸廣  
川學貫天人之輿正諄明道德為後學之型邑中原有  
專祠書院尤宜報本故復立董子之位以配太公之祀  
茲當仲春敬修典禮尚饗

告崇祀名宦曾公文

維大清光緒二年二月癸亥朔知棗強縣事方宗誠等

謹以清酌庶饗率同官紳致告於奉 旨從祀名宦故  
武英殿大學士一等毅勇侯前直隸總督曾文正公之  
神位前曰伏維我公勲高日月學貫古今葛陸韓范曠  
百世而功烈齊肩馬鄭歐王互千古而文行接武埽盪  
十餘省首逆羣兇定安社稷薦拔千百人文武英傑重  
整乾坤爲 國家蒼賢育才不啻師傅之訓誨子弟爲  
百姓興利除害眞如父母之保抱嬰兒卽就直隸一省  
論之黜貪猾舉賢員吏治大轉振凶飢清獄訟民氣以  
蘇練兵緝盜保護善良尚儉習勤力挽積習杜天津審  
時度執不爲禍先俾 朝野蒙其福於不覺回江南籌  
款濟荒以助後任使愚民貪其德而不知上爲一代之  
禮而伸士民崇報之思尚饗

告崇祀鄉賢鄭公文

維大清光緒二年二月癸亥朔知棗強縣事方宗誠等  
謹以清酌庶饗率同紳士致告於奉 旨崇祀鄉賢前  
江甯巡撫鄭公司直先生之神位前曰伏維先生學術  
確宗朱子正大精純實政效沁新吾清廉仁惠兩湖三  
江治績永傳爲仕譜 四庫七錄著述嘉惠於儒林後  
學旣奉爲典型崇報宐光諸祀典宗誠職杜守土諛當

以風化爲心欽仰高賢悵不獲同舟某濟爰爲先生校  
蔡文集辨次事略以爲泐於將來復同官紳臚列事實  
詳奏黜庭以爭光於典禮已於元年十二月十四日奉  
聖旨準以先生崇祀本邑鄉賢祠茲當仲春敬奉先生  
神位入祠以昭 朝廷尊禮賢良師表人倫之至意再  
歲春秋上丁永遠從祀於學宮之旁敢告尚饗

告湮沒未報陣亡團丁殉難士民立總木主入祠

文

維光緒二年五月十二日知棗強縣事方宗誠謹告於  
棗強忠義祠諸君曰伏以仗節守義士民報國之安卹  
歿褒忠 朝廷旌揚之典諸君子之歿難者旣皆久蒙

集後編十九

八

恩旨言以明禋其尚有湮沒未報陣亡團丁殉難士民  
之忠魂我 皇上於光緒元年八月以翰林院侍講  
學士編修吳寶恕等奏交禮部議覆奉 旨準立總位  
圻祀昭忠祠庶幾靈爽有憑幽光亦闡宗誠奉文之後  
謹遵 旨設立棗強縣湮沒未報陣亡團丁殉難士民  
之忠魂總位送入祠中春秋圻祀敢告

告湮沒未報節烈殉難婦女立總木主入祠文

維光緒二年閏五月十二日知棗強縣事方宗誠告於  
棗強節孝祠諸貞婦曰伏以守節立義婦女之常行發  
潛闡幽國家之大典諸節烈婦旣皆久蒙 恩旨言以  
明禋其尚有湮沒未報節烈殉難婦女之貞魂我

皇上於光緒元年八月以翰林院侍講學士編修吳寶  
恕等奏交禮部議覆奉 旨準立總位圻祀節孝祠庶  
幾靈爽有憑幽光亦闡宗誠奉文之後謹遵 旨設立  
棗強縣湮沒未報節烈殉難婦女之貞魂總位送入祠  
中春秋圻祀敢告

告漢儒董子以三先生圻祀文

伏惟大賢董子學究天人躬秉德禮正詒明道之訓洵  
稱王者之師漸仁節禮之言永爲後學之式典祀久從  
乎文廟專祠尤著於廣川流風餘韻衣被後賢碩學者  
儒多堪步武我 國家尊崇聖道文教昌明康熙間中  
丞鄭司直先生學宗朱子治效新吾清端錫於 朝廷

集後編十九

九

箸述光於 四庫乾隆間李廉劉仲肩先生茂才劉獻  
白先生雖窮居獨善學未見諸施行而經明行修日殫  
心於述作易通象數不遁元虛詩守古訓不失穿鑿說  
春秋以綱常名教爲本解論孟以訓詁義理爲歸是皆  
有功於聖教無愧於前賢是以於光緒五年冬稟請以  
三先生從祀董子祠中茲當仲春敬修明祀景仰前哲  
興起後賢尚饗

先賢先儒奉 旨從祀 文廟故事知縣奉文後移

知儒學官而已學官令工製木主不論何日送入兩

廡甚有不躬親安位以致位次紊亂者且有奉 旨

多年而未製主從祀者宗誠杜官時念從祀文廟大

典也州縣當行何禮例無明文同治十一年因奉文  
以先儒張履祥從祀東廡竊以禮意通之先製神主  
於黜倫堂擇日率同官紳致祭讀祝文告以奉 旨  
從祀月日然後奉神主由廟之東角門昇入大成殿  
階下官紳步從以主北鄉 至聖先師孔子知縣率  
同官紳階下行三跪九叩首禮禮畢詣先師前跪讀  
祝文敬告以某月某日奉 旨以先儒某從祀先師  
廟之東廡祝畢復下階然後奉先儒神主安於東廡  
位次退至階下復向東廡行兩跪六叩首禮禮畢乃  
退其前奉 旨從祀之先儒未經奉主入廟者皆用  
此禮補立之且凡奉先儒從祀文廟及鄉賢名宦入  
祠皆擇縣試或書院課試前一日出示令士子皆隨  
後行禮以資觀感又鈔各本傳事實俾之傳誦以資  
效法增識之俟知禮者攷得失焉

集後編十九

柏堂集後編卷第二十

附詩

六十述懷示兒子培康培蔭兼命培康歸里

老大役瀟書終夕形鞅掌舊學日以頽歲月傷既往憶  
咎少年時抗志空徒黨世味靡所甘所夜坐書幌冥契  
古聖賢如親接音響興來發高歌乾坤若無兩維時世  
承平江淮鮮伏莽父母樂俱好倫類無搶攘蒼志苦未  
能學忠期無囟節礪金石堅襟抱秋月朗風雲忽變幻  
身世成滉泆譬入大海中孤艘失櫓槳把舵任顛危王  
道終蕩蕩妄抱飢溺心生民切痛瘡惟懷風木悲祥仕  
絕虛想知己感賢相誤牽入塵網學古素未優賦性況  
木彊安能康世屯徙令心失蒼日月不我與計齒又增  
長五十未知非踰九益昏恍寡過謝遠賢天人慚俯仰  
兒輩不解事俯觥古楫放賓朋入座歡一室如春盎感  
觸平生心轉使神惘惘

集後編二十

一

人生少至樂至樂惟天倫小宛歌闕發不寐懷二人念  
我親杜時志意鬱不伸恩斯勤鬻子終世常苦辛望我  
以善養勸我曰親仁鵠衣念百結病耗甘食貧齟齬悲  
虛曩銜恤成鮮民有姊早去室弟妹相依因中年忽喪  
亂飄散如飛塵我以文字役謬作諸侯賓浮雲善變化  
幻見宰官身祥豐蒼不建顯揚徒虛誼妹寡似續已所  
夕難舒鬢姊老喪其夫白髮愁如新弟亦哭其子孫孤

與姊鈞喪嗣孰扶顛痛苦連宵晨我爲官事累未能親  
拊循咎如形與影今若越與秦急思罷官忝庶免悵無  
垠

我生四男兒二子命不淑同我邁艱危不獲會吾禕憶  
困豺虎中繞膝伴吾讀夜半金石聲激越出林谷我有  
燕齊行長子征途逐好古肖乃翁作文驚蒼宿身屯氣  
倍豪謂可大吾族何期岱嶽東一往形不復維時二與  
三隨母艸閒伏露處衣無鶉日暮倉無粥九灰餘一生  
一生況難卜我聞急南轅淚積珠千斛行至豫楚聞始  
復聚骨肉三兒病苦沈一載命復蹙穉子尚未生心傷  
阿二獨天也復何云不德中自慙今二已壯大喜能守

集後編二十

二

書篋阿四雖童癡諸經已半熟復有兩雛孫何德堪此  
福內子今五旬吾今亦望大嫁女得君子願足何局蹐  
二兒自南來僂鴝爲我祝梅老耐冬寒傲霜如秋菊我  
日思故鄉邛蔓榮心目爲感君相知忍此勞案牘兒安  
體吾意幸木勤樹畜咎同患難人爲我敦媻睦吾弟有  
孤孫吾孫同鞠育持身寶儉慈接物費雍肅慎勿忘險  
艱御冬夕旨蓄詩人有明訓胥樂先貽穀蒼志逮親孖  
無致悲風木

得彭宮保書見示六旬有作賦呈

衡岳高巍峩氣象千年新蜿蜒而磅礴鬱極斯降神賢  
豪不世出天命靡時屯翊贊中興業度越甫與申憶咎

文皇初治極亂萌，蹶中原，咸震懼。束手嚙朝紳，南山豹  
隱霧，洞庭龍潛鱗。忠義倏奮發，伊呂起渭莘。脫卻方山  
冠，改服振振杓。縱橫江海，上飛駛萬千輪。救民殷拯溺，  
逐賊如驅鱗。剛大塞天地，奇氣一朝伸。蓋勞十六載，日  
月淨無塵。塵淨謝時太浩浩，心如齋。當其濟物時，高情  
故絕人。萬鍾禱不受，杜官類隱淪。先憂忘後樂，仲淹猶  
非倫。東山欣再起，位列要路津。辭榮受艱鉅，義進利則  
逡。長江萬里險，終歲勤周巡。思枯夜不寐，慮遠眉常顰。  
人謂已治安，憂患獨切身。竹柏耐冬寒，桂老性愈賤。  
子侍公久見，灼知尤真疾。惡如秋肅嗜，善溫若春世。皆  
頌公義而未悉，公仁與公十年別。跡疏情胥親，愛我忘  
中如車輪。

柏堂集後編卷第二十一

附議狀一

上李節相請通飭革弊政狀

敬陳者宗誠作令五年深知民間之疾苦第一算患於訟累第二算患於盜賊三訟累之害有三一則原被告辜牽連多名二則差役傳人入城稽遲稟到勒令供應飯倉往往破家三則男子輕於拘押班管婦女輕於押交伴婆凡此三者皆由州縣官不親身受辭當堂批判之故蓋民間呈辭多由訟師及代書所作其中作偽之情節牽連之人名皆訟師代書及差役教唆官或委典史收辭或由承發房門房傳辭或至夜晚始收辭官未見

集後編二十一

訟者之面細加盤詰但判日期送幕友批示而已幕友但據呈辭加批發票往往誤準誤傳亦或有當準而不準當傳而不傳者批判一誤則姦民訟師更生其巧詐之術而良民遂被害無窮矣夫小民初見官府時尚不能機變百出也但令牧令每放告之期必於上午親身受辭細心研詰觀色察言則訟者於訟師之語尚未熟記代書之詞尚未周知往往供與呈辭自相牴牾而真偽可辨其五六其情節雖真而牽連之人名又細加窮詰然後當時批判準駁其準者非要被要證皆親筆塗銷於是傳案之人少而牽連者蒙其福矣且傳案之人少則差役不得藉詞延宕按地里遠近定日到案屆時

不到卽責懲之一到卽訊一訊卽結於是差役需索之害減矣至拘押班管必係賊盜姦拐鬪毆重犯拘押婦女必係因姦致命之犯其餘尋常案件皆不宐輕於拘押男則住店婦女則令其家人照管候訊而已若輕押伴婆喪廉恥而壞名節其害無窮然欲弭此害非州縣官親自上午受辭人人躬親審視事事躬親攷察難除其弊可否請中堂通飭各州縣遵辦以惠小民有不遵飭實行者嚴行參撤風氣庶幾可轉其盜賊之害亦有二一則北方賭博風盛洋煙暢行集會期多無業游惰之民赴集赴會與外來游民羣居聚處互相起意由是人少則相與爲竊盜人眾則相與爲搶劫爲強盜是賭

博洋煙卽盜賊之根株也夫洋煙至今日洵難禁矣賭博之禁亦有所難蓋州縣官止一人之目目而同僚如典史汛官往往藉賭爲生各村各集聚賭兩人皆有陋規爲之包容及州縣官察知往拏而伊二人已通信知會矣其未與伊二人嘔規者又往往藉拏賭下鄉拘繫平人以遂其詐財之計而眞賭者反不問焉此賭風所以熾盜賊所以多而良民所以受害也一則捕役獲一盜賊必先令其誣扳多人或曰同夥或曰窩家或曰買贓其實眞者十不一二官如不傳卽通知事主令其控告致官有不能不拘傳之勢及一傳到大半良民官之朋者及時審釋而民所費已多矣何況再拘押乎是賊

所盜者止一家而被誣扳者數家或十餘家其破費家資與被盜等甚且有過於被盜者矣所以然者差役解犯赴州赴府赴省花費甚多如府州與省中過堂無期則不但旅費不貲且加以各署吏役之需索此項各省通例皆由差役賠累州縣官向不自發此差役所以不願拏賊懼其累也否則拏賊必先令其多扳固屬詐贓亦爲解費計也是惟州縣官與差役約獲盜重賞不獲重比至解府州解省之費皆官自任之不令伊等賠累而賊有誣扳者必先密詢其人家資之多寡與其平日之良莠然後分別傳否而重責誣扳之賊與教誣之人是亦安民之一道與伏祈中堂通飭各州縣嚴治捕役

教賊誣扳之罪而重其獲賊之賞至一切解費皆由州縣自發又通飭臬道府州凡州縣解上之案速卽過堂無令解役久候並不許胥吏妄有需索至典史營汛請嚴札禁其受賄縱賭亦不准擅自下鄉藉拏賭訛詐平民如有犯者許州縣官稟許如此庶州縣不致掣肘而良民可安宗誠忝爲親民之官於職分內事尚未能盡其萬一何敢越分妄論然謬蒙知遇愚見所及不敢不陳於左右維鑒察焉

上李節相請速正凶犯極刑以省拖累狀

敬陳者宗誠久疏晉謁本欲因公進省親承訓示惟念鄉曲腐儒辱蒙知遇授任一邑自當以盡心民事周察

民隱洗冤澤物明慎用刑爲報國之實際而不杜趨承  
恐後奉令奔走爲酬知之虛文查井汶清一案前奉憲  
批以案情重大飭宗誠帶犯進省誠以井汶清殺叅三  
命慮其逃逸致叅者含冤不伸故令宗誠慎重其事宗  
誠深體憲意多派家丁差役既已解省無誤似可無用  
親行又憲批飭宗誠傳集人證解省亦因井繼元父母  
兄三命被井汶清殺叅誠恐尚有餘犯漏網致叅者銜  
恨無窮厚德深慈欽佩何極惟查井汶清殺叅三命之  
後隨即持凶器赴縣自首宗誠反復研訊候情確鑿井  
汶清投首之後厥幼子井繼元先因驚嚇逃去經該族  
長聞知徧尋得井繼元帶其到縣宗誠當提井汶清質

集後編二十一

四

訊候辭合符宗誠反復研訊井繼元候稱止見井汶清  
一人竝無餘人溥野地中亦無外人看見似此杜井汶  
清固叅有餘辜卽杜井繼元之父母兄三人亦無別有  
冤抑又何用押解人證到省如必須宗誠押解人證到  
省則惟有厥幼子井繼元一人是爲要證傷弓之鳥驚  
魂未定加以貧病孤穉之孱軀沿途押解受嚇必致拖  
累斃命是井汶清已殺其一家三命宗誠又殺其一家  
一命也如必傳厥長子井吉泉到省伊當時本未親見  
無以憑質證況伊家見孖三人全恃井吉泉手藝養家  
井吉泉解省則其少妻幼弟必致寒餓而叅是井汶清  
殺其一家三命宗誠又殺其一家三命也宗誠忝爲一

官深知民間疾苦杜任五載不敢輕傳一人不敢輕動一刑總期案無積牘獄無冤囚今并汶清愚蠢凶頑以私嫌殺斃三命宗誠方恨無權不能卽刻置之於法以洩良民之冤憤若徒遵奉憲命而不善體憲心傳解厥子拖累無辜致生他故上負憲眷下負寸心宗誠實不敢從令惟有仰祈憲台俯念小民之苦速飭首府早定斯獄無令凶犯日久變生致稽顯戮實爲德便

籌增營學生計狀

敬陳者前光緒三年正月初六日宗誠以卑縣城守營外委一缺俸廉本薄又無衙署倉用房租窘苦異常窮則難保不設法擾民因查卑縣徵收舊章每徵銀一兩

集後編二十一

五

有庫書紙筆飯倉費銀一分擬於津貼庫書一分銀內扣除二釐合計一年約有六十金作爲津貼城守營巡夜巡城解差解糧以及房租倉用於向例絲毫無增於汛官辦公有益竝立定章程每月半由營汛備具印領由庫書按月給發以杜前後任預支之弊稟請督憲批示遵行旋於正月二十八日奉督憲正月十八日批辦理甚是應卽照行卑縣當卽移知汛官遵照杜案又卑縣儒學教諭訓導俸薄缺苦例無養廉學田不足數月之倉訓導衙門久燬賃房以居生計尤絀光緒四年八月查縣境站里四村有觀音廟社村外二里與景州毗連界中住僧工人俱是景州故城人民往往窩藏匪類

致生事端因傳集本村紳董議定將住僧工人逐回原籍將廟改爲義學廟地八十餘畝分五十畝爲義學地召本地良民居守耕種納租延本地生員開館其中教訓四村子第卽以地租爲師生脩金膏火之用又分三十畝爲儒學訓導學田卽請訓導每年察理義學師生功課無許有名無實紳董皆以爲然當卽稟明督憲八月二十四日蒙督憲批絕盜匪藏身之所開村民向學之風辦理甚是應卽照行又光緒四年十一月北流常村武生張光烈因事捐地二十八畝一分九釐爲書院膏火查宗誠勅建敬義書院置買地畝足敷膏火之用因令改爲儒學教諭學田庶與訓導畫一不致或形偏

枯張光烈當卽立契交地宗誠因移知儒學教諭訓導各自赴站里流常兩村會同紳董按契清察地畝丈尺界址派人耕種並鈔籽底簿永歸交代不得或有當賣縣署與學署皆已立案惟事歸永遠遵行慮日久或生弊端理合通詳立案伏候批示分別移知遵行

勅建孤貧院並捐建惠濟倉散放流民狀

敬陳者同治十年奉憲札爲通飭遵行事照得郡守牧令有父母斯民之責除刑罰催科之外教養是其專職其最要者二端一曰書院一曰貧糧各屬舊有孤貧口糧惟日久弊生所贍亦狹今應於各府州縣酌量置備寬大房院設立留養局寬籌外額訪收無告窮民入局

贍養給與生業按月稽查點發嚴杜冒領刻扣諸弊邑  
治多一貧糧則四境少一餓殍此尤爲父母斯民所當  
加意者也書院孤貧院所需經費應由該守牧令或勸  
捐殷實紳富倡同捐輸抑或另有公款可籌總杜司牧  
者因地因時畱心盡力等因蒙此宗誠當查本地久無  
書院業已倡捐勸建成工另文詳報其孤貧院年久傾  
圯惟有平房六間破壞難住宗誠先行改作堅好既又  
逐年添造堅實平房十二間一英十八間牀炕鍋竈門  
戶皆備查卑縣向放孤貧口糧分額內額外二簿男婦  
殘廢雜亂不分頗形擁擠亦間有不公不平之處宗誠  
改爲男婦分點無論額內額外凡有瞽目殘廢孤寡老

集後編二十一

七

疾者盡行提入額內之前每月比向章加錢散放次者  
照向章額內散放又次者照向章額外散放向來各縣  
皆有一定額數缺一名始補一名宗誠每次散放不拘  
額數來者如係殘廢瞽目孤寡老疾卽行增入不候有  
缺始補或訪知有孤窮無目之人卽令地方開名補入  
至院中所住盡是瞽目男婦所散口糧例不能敷必待  
出外乞食以資補助惟久雨沈陰大雪嚴寒之時不能  
出門宗誠必親察人數另給米糧俾無失所至畱養局  
久已圯廢地基亦無從察攷每年冬間照向章畱養外  
其平日水旱之歲過境災民以及年熟災民由外回籍  
過境者甚多執難人人畱養宗誠必按口發給川資查

有帶鍋碗者卽與以米糧不拘畱養之故例但期有濟於流民俱經稟明憲台竝奉札通飭遵行杜案今春宗誠又杜大堂西廡建惠濟倉房一間四面上下用甃壘成堅實可久畱作每任知縣逐年節省浮用及辦公餘資收買米糧籽貯其中爲散放外來災民病民及孤貧院內陰雨雪加散口糧之用此係遵奉憲台通飭籌畫辦理永遠之事自應通詳立案備查以期無廢伏乞照詳施行

上李節相請以鄭劉三先生圻祀董子祠狀

宗誠杜任以來務以維風正俗講明實學振興士氣爲心故常彰善癉惡樹之風聲顯微闡幽表揚前哲以立

集後編二十一

八

後學之準查棗強士風樸實有餘文采不足康熙間有鄭中丞端學宗朱子治效新吾著有日知堂集朱子學規等書雍正間有劉茂才瑄潛心易學實踐篤行著有太易闡微錄劉孝廉士毅經明行修志超識卓著有讀詩日錄春秋疑義錄皆以明人倫闡義理爲心鄭中丞劉茂才二書前已彙行采入四庫提要板片早毀宗誠俱籌貲請黃子壽太史重校棗之劉孝廉二書前未彙行亦未得收入四庫宗誠見其發明經義洵有補於先儒有裨於來學亦籌金請子壽太史爲校棗於通志局凡此於前賢已成之實學無關重輕也不過藉以興起邑之後進俾知所嚮往巨鄭中丞前已稟蒙中堂奏請

入祠鄉賢至兩劉先生績學躬行著述足以輔翼經傳  
佑啓後人皆應入祀鄉賢之列惟請祀鄉賢必須具事  
蹟節略入奏而兩劉先生間修潛德白首窮經邑志只  
傳其孝弟忠信經學修明而他無可述請祠鄉賢慮被  
部駁棗邑係漢廣大儒董子實生是邦故有董子祠  
四城內居其一杜舊大原書院之旁今敬義書院之後  
每年由知縣春秋致祭書院開課時諸生致祭此蓋邑  
人士景仰先賢德行學問而祠祀之數百年矣宗誠攷  
各直省府州縣書院祀本地先賢者甚多如紫陽祀朱  
子東林祀高顧桐鄉祀張楊園山陰祀劉念臺皆以本  
地先儒從祀今蓮池書院亦祀鄉先賢多人欲請以鄭

中丞端劉茂才瑄劉孝廉士毅三先生有著作者均祀  
本城書院後董子祠中春秋仍由知縣致祭開課時仍  
由諸生致祭擬將三先生著作書板藏於書院其三先  
生行誼皆考之各書及邑志列傳彙於著述各書之首  
以爲士子之法此非載杜祀典之祠均祀於例無礙而  
於興起學術未嘗無補伏祈中堂核示遵行

復任方伯問地方事彙狀

竊蒙憲札以州縣爲親民之官欲丰盡職先杜盡心地  
方利弊各有不同風土人情彼此互異所有一切地方  
事宜先舉數端各用手摺詳悉臚陳具見大人胞與爲  
懷察吏安民之至意宗誠才疏學淺杜任九年報稱毫

無實深惶恐雖閭閻利弊未敢或忘而愛民有心保民  
乏術惟於憲諭不耽安逸不尚粉飾行以漸而持以恆  
三語平素尚能操持奉諭愈加奮勉而已謹以憲札下  
詢所有地方一切事宜詳悉臚陳恭呈鈞鑒

憲札下詢一切地方事宜何者當與何者當革何者當  
先何者當緩各牧令抵任以來或見諸施行或尚待舉  
辦宗誠竊以爲興利之事當規其遠大而又須不違民  
情不貽後累記所謂行必慮其所弊也革弊之事當去  
其太甚而又須斷之以決持之以久記所謂言必稽其  
所終也而先後次序尤不可紊見小欲速聖人所戒大  
概革弊杜興利之先而興利革弊之中又各有當先當

後之條理總之杜審其事體之大小輕重與體察地方  
民情而行之庶幾有益於民而或不致貽害於民矣  
憲札下詢如何體恤民艱宗誠竊查棗邑地小人稠貧  
多富少本地出產不敷食用全恃出外商賈手藝以助  
生機自咸豐以來兵燹旱蝗瘟疫相繼民生凋耗至光  
緒三四兩年大旱大疫困窮叟叟更不忍言矣宗誠思  
古者爲民制恆產之法今執不能行惟有清訟獄省刑  
罰薄稅斂寓養民之意於聽訟斷獄催科之中莅任以  
來先清積案嚴禁誣告訟事則少準少傳隨到隨結不  
敢拖累一人錢糧則先征大戶按市報價牌示不敢少  
違舊章差徭則稟請督憲批示按畝均差不準豪強欺

累良懦遇災則示免差徭請調請撫至再至三按戶親散唯恐遺漏籌借子種口糧不使荒蕪寸土鬪毆被傷賜藥醫治疫氣流行賜梁養贍因公下鄉輕車減從自發工會災年連春苗當賣地土者秋收時稟明督憲批准與原主一半分收其賤價售地者虛寫多價者稟明督憲以六年爲限準以原價歸贖俾貧民不致盡失恆產至於富戶不輕向其勸捐惟勸建書院考棚義倉時買膏火地收積倉穀不得已使富戶捐款仍歸本地之用荒年奉大府札勸捐散放災民以補官賑之不足然一錢不入官府卽令各村富戶自散與本村貧民益安貧所以保富保富亦卽以安貧自愧才力疏庸不敢言

集後編二十一

十一

體恤民艱惟謹凜盡心之訓

憲札下詢如何扶植士類宗誠竊以士子固須培養尤宜裁成棗邑舉貢生員寒素居多類皆半耕半讀少有實學宗誠到任以後勸建書院多藏經籍延師主講勉以明經敦行置膏火地以爲每月獎賞又勸建考棚免歲科兩考席棚風雨之苦又籌捐京錢一千串銀三百兩發商生息以助鄉會試盤費又興起義學十餘所以蒼童蒙又刻康熙雍正閒鄉前輩鄭中丞端日知堂集劉茂才瑄大易闡微錄劉孝廉士毅讀詩日錄春秋疑義錄四種布之士林以倡經學又刻印 聖諭廣訓附律易解小學經正錄弟子規治嘉格言數百千部

勸民歌懷刑歌分散村塾以興志行每奉

諭旨送

先儒主從祀 文廟與鄉先生從祀鄉賢祠必傳集紳士數十百人恭送入廟示以史傳俾資觀感邑中名宦鄉賢二祠圯廢數十年籌畫重建縣志考覈重修訪報孝子二人鄉賢一人節婦二百餘人貞女孝女三人請旌之後必榜示通衢以資效法又皆爲傳列入縣志災年於孝子節婦貞女寒儒另加餽贈極貧者爲置買田畝以厚其生而士子中有行爲不謹者亦必戒懲甚則黜革自愧德學不能扶植惟不敢不孺與人爲善之心而職分終不能少盡也

憲札下詢如何清結詞訟宗誠竊以爲聽訟之道要杜

集後編二十一

十一

時時與民相親不可假手於人受辭不可委之典史批辭不可專恃幕友簽差不可聽書吏門丁之言當堂受辭細審則情僞已得其大半宜準宜駁即時批示使之間知其真妄控者當卽懲責則無情者漸遠可和者批令和解卽當準者亦必刪去牽控人名只傳原被告要證按地遠近爲限期過期卽懲自立一簿到限卽催一審卽行結釋辭訟不押班房婦女不押伴婆命盜姦拐諸案細心研非投閒抵隙不敢專尚刑非盜賊凶犯供出之名必須細訪其人平日安分何如而後分別傳訊不敢輕信妄傳以致牽連無辜然案件雖日少一日民氣雖藉以稍蘇而不能使之無訟終不敢云能盡職也

憲札下詢如何整頓緝捕宗誠竊以爲緝捕之法莫善於嚴行保甲尤無過於信賞必罰鄉民有公舉窩家賊匪不法之徒必爲作主不使受訟事之累有格殺格傷賊盜者不使受羈禁之累捕快拏獲正賊正盜正凶旣重賞之又發盤費不使受解州解省之累所以到任以後拏獲正法之犯甚多其巨盜杜鄰封者必密稟督憲派兵搜捕以除民害惟官之捕賊欲以除害役之捕賊利杜教扳要必不可遽傳務須細心訪察棗邑界連八邑賊盜出沒無常宗誠自恨不能絕其根株亦惟不敢不盡心而已

憲札下詢如何籌辦水利宗誠竊查棗邑地高時慮乾旱告以開井則水泉太深開之往往不能得水且沙地易於崩圯水鹹不利澆灌土井不能經久甃井工本太多一遇旱年井中仍然乾涸是以勸諭不從惟邑有黃瀘河隄二道曾督修之以禦水災已載邑志

憲札下詢如何講求積儲宗誠竊查棗邑常平社義諸倉久已片瓦不孑積穀一無所有屢次勸諭紳民修復皆言無利有害往年鄉間義倉所杜有穀人人願借不借則窮民讎視紳董借去不還則貽累紳董有穀不盤積久糜爛紳董須賠盤有折耗並工會各費又須賠累出陳易新錢孑紳民往往借用不還錢孑官府往往挪用不繳虧空入於交代實惠何能及民紳董又須賠累

且往年訟累多年斷不有重行修復因此上年大荒公私困乏宗誠先函借糧臺軍需銀六千餘兩赴天津買梁散放稍濟一時之急因此發憤擲用歷年畱籽攤捐未解之款杜城捐建義倉兩座共五十餘間於光緒四年春閒請免合境上忙糧銀正耗二萬餘兩請免三年歉收帶征糧銀數千兩請免歷年民歉帶征銀數千兩冬閒又請免 山陵大差錢萬餘串民間感激按地自三十畝以上者畝捐一升五十畝以上者畝捐二升百畝畝捐三升紳商富民另行加捐宗誠又自行籌畫捐補總共鄉市斗七千二百石合倉斗一萬石籽於城不籽於鄉以免鄉民之受累官紳公同鎖封匙籽紳士收

管每年開視一次官紳俱不得動用每逢災年方準有地者借無地者放借放之法先察災情次查戶口定期定數由各村富戶捐車運到鄉村按戶散放其詳已有義倉志呈案又另建一小倉畱備積穀散放養濟院孤貧殘廢及外來過境災民

憲札下詢如何約束書差懲治匪徒宗誠竊查書吏之蠹民杜積壓差役之蠹民杜牽連宗誠每案必親自限日所傳人名多從刪減又一到即審即結尚不致肆行欺罔稍有不法即行責革毫不姑容惟於紙筆工會費用亦必體恤不使枵腹從公又常常訓教以籽心積善之言大致皆知感激畏懼至於匪棍無不嚴懲一人

未必人人皆懼也宗誠每於應懲治者必俟每月各鄉地疇期或三八告期社大堂明正其罪曉於大眾次疇復然咎責不多而疇疇如是則人人知警或枷示四鄉游集俾合縣皆知懲治之後如有保釋者再苦口教訓或與以資本使爲資生之業故匪棍亦多斂迹然不能教化而示刑威私心終多愧怍以上各條宗誠雖不敢稍事粉飾稍貪安逸然於民生究無所濟卽不敢謂能盡職分所當爲憲諭謂能盡一分心卽收一分效宗誠環視民間窮困顛連者甚多幸遇豐歲尚可圖生一遇災荒仍然難保旣無一分之效敢謂能盡一日之心蓋興利必須正本清源革弊必須拔本塞源本原上不能施工而從於末流爲之終不敢謂職分中有毫末之盡心也理合遵札稟復敬非訓示

柏堂集後編卷第二十二

增議狀二

上李節相等濟民倉狀

卑縣去秋今夏收成減於前數年故今夏旱時穀貴錢艱加去年旱時一倍得雨之後仍復如是今秋收成比去年更減數等收割之際貧者或暫得一飽一交冬春二季必皆十室九空此時穀價已至斗米千六七百文冬春之際必更加貴且恐無穀可買亦無法能買盜賊縱橫必更加甚棗強情形如此他處恐多相同愚見欲請中堂以民倉之艱痛切上陳請截留南糧並山東漕糧或設法采買關東小米或奏請免稅招海商運津分布各水馬頭聽各處販買販賣以濟民倉實爲德便

集後編二十二

上李節相請調賑救災狀

宗誠前以卑縣受旱甚重百姓困苦異常下忙錢糧難以征收情形據實上稟兩蒙中堂批示業已遵批親赴四鄉勘實各村受災分數並與南宮張令復行會勘通稟經本州以與例未符批駁並恭錄憲札飭遵復與南宮會議稟復各社案惟畿輔重地今年旱災甚廣民不聊生見杜天氣晴暖尚有山東天津梁穀可以販買販賣民間牛馬騾驢賤賣於屠宰房屋樹株賤賣爲柴薪富家大戶收成不豐所有餘財秋冬之間尚可圖謀便易賤買田宅家具而窮民亦藉以資旦夕之生一至冬

閒雨雪河凍路冷米販不能往來且山東天津客糧有限亦何能應數府州百萬生靈之販買而災區富家大戶餘財用盡冬閒明春田宅雖賤必更無售處見杜霜降已過二麥萬不能種周圍千里之中一片白土真有室如懸磬野無青艸之景象財爲民命倉爲民天民窮如此將何所不至見蒙中堂嚴札催令各州縣據實報災分別詳請停緩調豁極重者可以請賑具見我中堂推廣

皇仁厚德深慈讀之令人感泣惟杯水車薪救之不易愚見今年秋災猶可以成數分二麥不得下種明年春災直無成數可分今年秋災可以分別征緩調賑明年春災直不可以分別征緩調賑恩施於受

集後編二十二

二

災之後固可以助造物之生成恩施於受災之前尤可以贊天地之化育今年旱災頻仍既無秋收可登明年春荒又無寸麥可望據父老言爲百年所未有如此乖戾之氣惟有奏請

皇上深仁厚澤大沛覃恩庶或可逄天和而銷災禍見杜百姓麥秋絕望所望者冬有大雪春雨早來可種植穀然卽植穀能種必至明年七月後方可有收民閒見杜缺倉者已不止十室九空日久月長將何以待又況貧民無倉者見將牛驢售盡穀種倉盡田器賣盡富民無穀艸者亦半將牛驢出售竊恐冬閒卽有大雪春雨卽能早來而無子種牛驢田器可耕者不知其幾矣況冬雪春雨尚杜未定之天乎惟

有此時急疏請 皇上特沛恩綸上順天心下和民氣今年受災之區照例分別停緩調賑明年凡未種麥之州縣預先降 詔豁免同治四年上忙錢糧

詔旨一下必然萬眾歡騰民氣之所喜悅天心之和氣必應且災區中富民大戶見今年下忙停緩明春上忙調免苟有餘財必可分借於鄉里親友以及買賣交易尚可活動不致死守其錢財貧民見下忙征緩上忙調免亦必苦守本業不致全行荒棄流凶兼之爲匪者可少蓋貧民眾多全靠上之賑卹所及有限不如畱富民有餘之力使之自相通融所救者多宗誠鄙見出於憂國憂民之誠心竝非爲一己起見亦非爲一邑之貧民起見感中堂知己之恩故敢陳之去年夏旱閏五月初中堂疏請調免同治十三年以前民欠各項錢糧奉旨之後大雨卽降轉歉爲豐不得謂天人之理相遠也 是否有當伏祈憲鑒

上李節相請籌賑撫狀

宗誠上月二十六七日以地方災歉情形親叩憲轅面稟備蒙訓迪感佩殊深稟辭之後星夜馳歸於本月初三日抵署查明前次借銀錢所一款所買高粱業已到縣計有津斛二千五百餘石借款六千一百四十兩來往盤費竝陸路車腳杜外惟宗誠借款買糧杜八月間尚望得雨種麥民間稍有生機卽以所糴之糧俟嚴寒

之時減價出糶接濟民倉再行易銀歸款折減者由宗  
誠賠出此本意也不料二麥稞粒未種至今雨雪未霑  
四民無業日夜皇皇挪借無門當賣之工被災村莊計  
二百有餘極貧人戶有數萬之眾窮民始倉糶糶麥麩  
艸根樹皮見杜非此亦不易得惟買棉餅炒麥稽以爲  
倉不但戶多苦飢甚至窮愁自盡是卽減價平糶亦無  
有能買者左右思維非照例賑撫萬萬不能稍濟於民  
宗誠忝膺一邑旣不能早爲民籌積穀之方又不能感  
召天和致民閒受此災厄若再戀此一官不能爲民請  
命非賑非撫不惟上無以報憲眷亦下無以服民心且  
杜任七年正雜正耗並幫辦大差所取於民以上僕者  
將近三十萬兩今若不非損上益下實無顏以對百姓  
又何敢一日曠居末職是以遵命肅稟仰非發給撫恤  
鉅款以救民命宗誠深知中堂籌賑之艱各州縣請賑  
之眾斷不敢專顧一邑惟卑縣地面受災實重宗誠不  
敢多非擬請酌發銀兩撥歸借銀錢所買梁之項準宗  
誠卽以所買高粱按戶按口散爲撫恤時屆嚴冬百姓  
命杜旦夕如此通融免致領解往返庶幾少花路費卽  
可多救民命以期無負憲台德意伏希鑒察

上李節相請弛災年鹽禁狀

謹按冀州一帶地產硝鹽天旱尤甚加以各屬皆成災  
區貧民無所得倉杜產鹽之地執難免販賣爲生杜饑

謹之區亦難免圖賤買倉而鹽鋪以國課爲重執不能不令巡役查拏惟拏獲例應交官按情按法處置不取其財方服其心不得藉此搶奪車輛竝車上錢文衣物餘鹽入己竝不告官卽或告官而先將錢物奪去名爲國課起見實是假公濟私損人利己以致積爲讎恨將必激成事端當此奇荒鹽犯聚眾持械橫行者自應重辦以伸國法至災民無計非生借小本非微利以爲事育生計情殊可閔巡役查拏搶奪必致聚眾激禍人無生機將不畏法因時權變冀州一帶如此奇荒似宜稍弛鹽禁俾窮民生路不致盡絕庶幾賊盜不至日多鹽鋪巡役如遇有大股鹽犯自應告官飭差會拏不得私藉巡查搶奪錢物其餘貧民或肩挑背負或單車買賣竝無聚眾似可從寬不惟恤民困亦所以安民心也至鹽鋪賣鹽攙和泥水短少斤兩以及鹽巡藉查鹽爲搶奪皆應歸地方官重懲宗誠爲防階亂激禍起見是否有當伏乞訓示

上李節相籌畫賑撫事宜狀

前蒙憲恩批給撫恤災村銀四千兩又蒙飭藩司批准加撫恤銀一千兩數萬生靈感激無已宗誠因領解需時窮民嗷嗷待哺擬以借款所買之高梁先行散放作爲撫恤庶於民生有濟查武邑僅稟報被災五十餘村大口或給銀二錢或一錢五分或一錢英分三等小口

或一錢或七分五釐或五分亦分三等卑縣稟明被災至二百八十餘村極貧戶口將至數萬宗誠細心分別親自下鄉點明口數查驗面色給與糧條註明口數糧數交與本飢民收執復寫一村總條註明一村總數交與村董收執定期由村董捐車持總條赴倉請領飢民持名條赴村董家分領免致飢民往返勞費並因各村升斗不同卽令各村董帶斗赴倉以便原斗分散免滋蒙混每口無論大小皆給高粱五升計合見杜棗強市價京錢六百文不止銀二錢之數小口亦與五升者以小口牽補大口庶幾多救幾日之飢各村散畢卽貼村榜梁數計合錢數銀數皆詳細註明曉於大眾本應按

例分冬春兩季散放無奈嚴冬苦寒日有餓殍不便拘定常例只得按五千銀之梁全行散放其每日間撫歸來並歎收各村飢民非撫者亦復不少並有寒士非撫者宗誠情願以五千銀之外所買餘糧陸續散放惟冬雪毫無春荒必甚前杜崇轅仰蒙中堂俯念災黎準待明春由津給梁作撫將來惟有仰懇恩施再準給梁以救災民實爲德便卑縣今春捐建義倉六大間此次借款買梁幸有此倉可以收放惟尚嫌不廣擬明春再捐千金增建此時民倉維艱木料甄瓦甚賤人工無處非倉亦藉可以工代賑多活數人之命伏非鈞鑒

敬稟者竊照卑縣去歲秋禾被旱當將合邑災歉分數  
造具村莊冊結稟報杜案嗣蒙頒發騰黃將被災六七  
分村莊應征上年下忙糧租全行豁免歉收四分村莊  
應征本節年糧租及歉收三分村莊應征節年陳欠一  
體緩至光緒四年秋後起征其歉收三分村莊應征新  
賦隨時征收並蒙發給撫恤成災六七分貧民銀兩各  
等因蒙此均經卑縣將奉發騰黃挨村張貼徧行曉諭  
並將撫恤之款按戶散放另文稟明杜案惟查卑縣去  
歲被災極重小民困苦難堪尚冀秋後種麥今春庶有  
生機乃秋後點雨未霑合境二麥未降冬閒未得透雪  
春麥亦全無補種野無青艸家徒四壁去冬民間既蒙

集後編二十二

七

調緩又蒙撫恤尚有房木撤賣作薪家具賤賣糊口雖  
不至道殣相望仍難免轉徙流亡今春則不但貧者益  
貧卽富者亦多屢空不但被災六七分災二百八十五  
村窮不忍言卽歉收三四分災二百九十四村亦俱成  
極貧見當征上忙之期宗誠察看情形上忙斷難開征  
卽請緩至下忙並征民力亦恐不給前閱邸鈔恭讀  
上諭以去年山西河南兩省成災州縣饑饉餘生所有  
光緒四年上忙正雜錢糧全行蠲免等因欽此仰見  
皇恩浩蕩保民無疆宗誠竊念山西河南被災固重而  
平時尚屬殷富之區直隸則地瘠民貧豐年尚少蓋藏  
凶年更形窮困且是畿輔近地關繫尤重去年被災比

山西河南雖屬稍輕而晚穀分毫未收二麥子粒未種  
餓殍流亾所杜多有京城保定天津三處粥廠餓民至  
有數十萬之多愚見欲請中堂爲民請命援山西河南  
兩省之例疏請 皇上一體加恩將直隸被災州縣  
凡未種麥之地上忙正雜錢糧一體豁免免致下季以  
饑饉餘生重受追呼之苦是否有當伏乞垂鑒

上李節相荒年賤售產業準贖議

正月二十日接本州札飭以奉到中堂去年冬札飭民  
閒地畝因荒賤售於富戶百年產業一旦無餘此後雖  
雨暘應時亦無地可耕束手待斃援照嘉慶十年奏奉  
諭旨準其回贖並限自光緒三年秋季起截至四年夏

集後編二十二

八

季止絕賣契據一概作爲活契典當暫緩過割投稅酌  
定兩年爲限按原價加利回贖其有先經過割投稅者  
並令認過割投稅之費有限內加價轉賣者並準按限  
回贖除原賣價仍由原業主付過外下餘所加之價原  
業主與原買主各半分繳歸還後買之主如逾兩年之  
限不贖卽由買主過割投稅永作絕產不准再贖仰見  
中堂爲地方久遠之謀民生衣倉之計安貧卽以保富  
處置一秉大公實深欽佩宗誠愚見久有此意擬俟今  
年秋成豐稔稟請中堂定章奏明準贖再宣示遵行今  
蒙憲慮周詳預定章程惠濟窮民之意實已無微不至  
惟見杜民間困苦情形與富民之情僞中堂尚有未盡

知者知之明而後處之當若有一毫情僞未明恐窮民  
未受準贖之利而先已受抑勒之害宗誠謹密陳之一  
出示太早之非宜也直隸富民與南方不同貪利者多  
好義者少平日尚不能有無相通凶年更何望緩急足  
恃自光緒二年四五月亢旱米價頓長買賣不通貧民  
懇非賣地於富戶價值已減十之四五至三年四五月  
閒復旱地價日減一日始猶可以十之三四繼乃不過  
十之一二有買地許原主耕種一年即於買價之中先  
扣一年租價者有買地恐其異日回贖加價勒於賣契  
之中多寫價值者有將平日所借之本利滾算找價細  
微勒令立契者挪借典當之事曠焉無間非寫賣契毫

無生理甚有賣亦不要跪非言情賤而又賤而且自以  
爲行善救人者見社民閒之苦更勝於前無地者固無  
生機有地者尚須再賣去冬不賣之家今春亦必須賤  
賣若此示一出則富戶知買地準其回贖必更不宥通  
融二麥既毫無收成春夏之閒米糧必更加艱貴無地  
者固坐以待斃有地者將何以爲生執必至賣價一千  
勒寫十千二十千然後買其去年賤買之地貧民無  
法救生必非加價一千或數百文即寫作一二十千改  
換文契者逃亡之家已賣之地買主必至改寫文契加  
價投稅者是不特絕此日賣地之生機竝絕異日回贖  
之生路民可使由之不可使知之宗誠愚見春夏之閒

此示不可宣示聽其賤買賤賣過割投稅以救貧民目前之性命秋後再由中堂定章奏奉諭旨頒示通省之災區則貧民可沾實惠富戶無可挾持矣一限期大迫之非宜也貧民土地不多既已賤賣兩年之中卽遇豐年無甚出息況災荒之時衣食當盡家具賣盡房屋撤盡力作稍有餘資一切俱須添補執難盡回地畝予限兩年富戶必故意畱難一轉瞬而限期已過且有賣地逃亾者限期太近何能復歸故里擬請於秋成後定以自光緒三年四月起至四年秋季止期內所買地畝準原賣主於六年之內不拘何時備價回贖至光緒十年年底始行截止不必預禁過割投稅但定以過割

投稅之費原業主認還至富戶賤買地畝既已每年得租不必再令贖者認利如限內富戶有事欲行轉賣先令原業主贖取如不能贖準其照原價轉賣不得加價倘或加價原業主回贖之日其所加之價仍令轉賣者退還如此方無弊端若轉賣者加價令原賣者一半攤還此示一出富戶必皆作僞構結親戚以爲已經加價轉賣令原業主攤還一半如此畱難終無回贖之日凡此情僞執所必然宗誠體察情形不敢不盡言無隱且此事非於秋成後奏奉諭旨由中堂彙列告示頒

發一縣數十張徧行曉諭使貧民人人皆知則富戶與官府書吏交通仍然貧民難沾實惠宗誠感中堂知遇

事關民瘼不敢不密陳之是否有當伏祈鈞鑒

上李節相再請全免上忙錢糧狀

宗誠奉到二月二十九日鈞札敬悉中堂仰體

皇

仁奏請將災區上忙糧銀分別豁免下情得以上達上  
恩得以下究惠澤芻藪必足以感召天和消弭災沴惟  
宗誠靜觀天象殊有可慮者上年二月初六日大風晝  
晦黃塵塞天宗誠卽心憂之不料果成旱象今年二月  
二十二日亦復如是每有雨執旋即變爲風霾當此饑  
饉之年不但向來匪徒肆行搶奪卽平日良善多相從  
爲盜如再不雨春苗不得下種民心必更皇皇竊念上  
年秋收可分災歉今年上忙不當分災歉但未種麥之

集後編二十二

十一

地皆屬災荒況上年報災多有不實不但所稱歉收三  
四分者多應杜成災之類卽報收成五六分者亦閒有  
實杜災區特州縣不肖盡情上達又或爲本府州所牽  
制致令民困不能上陳錢糧既不蒙調豁之恩饑困又  
不杜應撫之列情殊可憫事實不平且上年歉收之地  
早穀或比災區稍多而晚禾一律未收二麥一律未種  
糧貴錢艱耕織歇業皆與災區無異若今年上忙調緩  
仍以上年所報災歉分數爲憑則民間愁苦之氣仍多  
鬱積而算解夫遇非常之天變必沛非常之 皇恩  
可否請中堂札委仁廉之吏分路巡察不問上年災歉  
之分但以春麥有無爲斷凡無麥之地再請 皇上

大沛恩綸將本年上忙錢糧全行豁免庶可以迓天庥  
皇太后 皇上既遇災修省引咎責躬願降  
罰於宮廷祈免民生之厄仁厚如此無不允行伏念中  
堂有燮理陰陽之責裁成輔相之宜謹陳愚見伏祈裁  
奪施行

上李節相勸捐助賑各散本村議

本月初四日直字營劉鎮巡防過談民情甚爲熟悉各  
種利弊亦能畱心訪求據言今春民間困苦更甚於前  
蓋上年尚可賤賣地土延生今則各州縣傳出買地準  
贖之條富戶盡不買加以勸捐則富戶益復閉藏以  
避富戶之名當賣更覺無主聞之實可矜憐宗誠竊謂

集後編二十二

十一

勸捐之事止當行於無災歉之州縣令其以餘力恤鄰  
或擇大紳大富大商勸之或勸官府節省浮費捐之至  
災歉之區不宐勸捐畱富者之餘力使其自相通融或  
可有濟宗誠今春念貧民甚多官力不足擬傳諭各村  
紳士殷實之家並地方保長令各村自相商議開列應  
捐之戶寫明捐輸之數呈官入冊卽令其自相清查本  
村窮民戶口開單呈官入冊所捐之錢一文不入官署  
但由宗誠將口數與捐數核計一口應發若干卽由本  
村捐戶散放本村窮民其大富戶捐數多者散一保之  
窮民不足者由官撥補既使富者曉然於官吏之無侵  
又使窮民曉然於富戶之可感庶幾多活貧者之命亦

可藉保富者之家名爲勸捐實與勸其自相通融無異  
將來如有逾京錢三四百千者欲爲請獎以示鼓勵未  
知可否

上李節相籌借子種狀

本月二十日奉到鈞批準於前撥高粱二千石外加撥  
高粱一千石以作卑縣災歉各村口糧仰見仁民之心  
有加無己卑縣本月初五日得雨二寸民間卽有播種  
者十六日又得雨二寸十八日得雨三四寸不等合之  
有五寸溼土差查四野一律均沾卽刻傳諭各地方保  
長面諭催民間乘土溼播種植穀植梁無子種者卽來  
縣一律借發無牛驢者勸諭紳富借用竝社各集張貼

集後編二十二

三

告示曉諭不許有寸土閒曠見社民間皆已來縣借發  
子種銀日夜播種大約儘三月內植穀可以種完嗣後  
但得雨澤應時可望豐收以補元氣宗誠因今春木料  
輒瓦甚賤特加價買之以惠窮民又因瓦木工匠毫無  
生計因挪借雜款再建倉房以爲下年積穀之計合并  
陳明

上李節相請采買子種禁止刑追錢糧狀

恭讀邸鈔具見

皇太后

皇上之憂念民艱

從善若流各京官之盡心籌畫直言無隱外閒各督撫  
之救災弭變皆可謂盡心竭力而天象尚多變異天心  
似未轉移殊爲可憂上年六月二十五六日之雨洵爲

甘霖普徧乃播降晚穀之後復然大旱反致子種工本  
淨盡民閒窮益加窮今年三月十八日之雨雖未深透  
尚可播種乃播種之後屢次風霾復致旱燥種者俱不  
能出土窮民子種工本口糧如此之艱何能再行補種  
且月餘之中晝晦四次四月初四日青天赤日毫無風  
雲忽然東北風沙蔽天而來頃刻之間白晝如晦數時  
不止雨沙雨土前日所種未盡壓壞者今復一網打盡  
矣人窮如此天象如此何以能救民命而靜人心是固  
非一邑之事也然卑縣如此則宗誠亦應有罪焉書曰  
蒙恆風若是豈臣子尚有蒙蔽君父屬吏尚有蒙蔽大  
府之所致乎宗誠聞有未報災州縣今年二麥毫無糧

貴錢艱而官府刑追錢糧至民有愁苦欲自盡者是不  
可不嚴行禁止又見蒙中堂購買奉梁截畱漕米徧行  
撥給各州縣加放賑撫仁恩普被噓枯吹生可謂至矣  
惟去年晚穀分毫未收則無晚種可知早穀雖降遭此  
風沙十不籽一民閒亦有以晚穀種早地者受風亦不  
能成將來得雨如遲必須補種民窮如此何處購買子  
種宗誠欲請中堂於奉天山東採買晚種或招商運販  
來直令各州縣買回散放實爲德便

上李節相請加撫節孝及寒士狀

前蒙憲台軫念災區飭發冬撫春撫銀兩業經羅梁按  
口散盡報明杜案嗣於三四月閒復蒙兩次憲恩札飭

籌賑局發卑縣奉梁漕米各三千石加撫災民愷澤覃敷至優且渥實深欽感宗誠一面再清查戶口一面籌資選派紳董赴津請領已於四五兩月陸續運到當卽督同教佐紳董分路分村按口散放計極次貧民戶口十萬有奇所領梁米倉斗六千石合棗強市斗四千石有奇若卽以倉斗倉升散放恐鄉村無倉斗倉升不肖村董易於弊混是以盡用市斗散放無地者爲極貧其四萬餘口不分大小每人五升有地一畝至七八畝者爲次貧其六萬餘口不分大小每人四升其不分大小口者以小口彌補大口之不足也其散梁米四千餘石合倉斗六千石有奇所領不敷卽以各村捐項由捐戶

自行買梁補散宗誠不立總局分局事事躬親一則恐立局則用人必多不免耗費捐款於貧民反無實濟一則恐立局則用人不一深慮稽察難周於米梁或有偷漏故凡去冬所買及此番所領之米梁皆運歸新倉先散梁條與貧民復發總條與村董由村董借車赴倉領回貧民各持糧條卽杜本村領取以省道途之苦又令教佐幕友分村監散散放之後童叟歡呼無不歌頌

皇仁竝感戴中堂之大德人心協和天心之和氣必應春夏之交雖有風霾冰雹之異而自四月十五六日以後風雨調和合境深透宗誠先已籌借子種馳驅四野不許有尺寸曠土見杜禾苗秀發但使六月有雨可

上豐登足以上慰憲厘惟卑縣去歲合境災歉今春毫無麥收除十數家眞殷實而外無一不缺倉者當此耘耔之時無力傭雇工人深恐非種不鋤嘉禾難期茂實加以瘟疫盛行十室而九既無醫藥之資又無饘粥之養離秋收尚有兩月之久應領撫糧者固無以爲繼其例不應領撫者亦生計維艱又寒士向來以館爲生今則無一不失館全家餓殍無不來縣哀求宗誠雖竭力資助苦難盡應又有行孝之子守節之婦曾經旌

表者宗誠雖加意拯救終難人人成全不知憲局賑糧尚有多餘未發者否如有多餘未發不過兩月卽已無所用之欲乞中堂加惠災民批發若干並乞札飭津局

集後編二十一

去

司道發交去使就便領回由宗誠擇其貧病之家加意撫恤兼散失館之寒士守節之寡婦庶幾救困扶危之中可以培養士氣崇獎節義並乞中堂札飭各州縣於病民貧士皆加撫恤孝子節婦更加矜憐實爲德便

上李節相議典青苗地畝應準分收秋糧狀

卑縣合境自去秋晚穀分毫未收二麥分毫未降延至今春夏之閒仍是一片白土每至鄉散放撫梁實屬蒿目傷心深慮窮民無耕牛子種致地畝荒蕪故以正月稟明各款散放口糧令其以人力耕耨以故地土皆得耕種不料始爲風沙所壓繼爲冰雹所傷又復散放子種令民補種款項不足則極力勸各村富戶或借貸或

散放以此四境之內幾無尺寸荒蕪仰蒙憲恩加發高梁漕米二次陸續領散由是糧價頓減貧民得此撫糧攬和樹葉野菜皆得肆力於田畝惟十畝地以上者概難與以撫梁無力鋤芸深恐苗而不秀又設法借款貸民爲鋤芸之資幸而四五月內雨澤應時禾苗秀發萬民慶幸乃自五月中旬以後仍然不雨米價復貴至六月中旬以後禾苗漸稟人心皇皇舊衣破器無不出賣號飢之聲目不忍聞兼且瘟疫盛行舛亾相繼宗誠率同官紳日夜祈禱又令紳董社各村清查病民口數設法接濟幸於二十三日得雨深透禾苗滋潤可以復原但得七月再有雨一二次必有秋矣惟今年民間之

苦異乎尋常父老皆言百餘年來未見未聞者其典賣地土者一畝止京錢一二千將來秋成之後非得中堂出示限於六年之內準貧民不拘何時備價回贖嗣後窮民太多大非地方之福又有地已耕種青苗社地連青苗一畝典京錢一二千者尤爲可慘查上中地一畝雨澤如果應時秋成可收一石或七八斗五六斗兩月之閒利過於本數倍而窮民喫辛受餓始能耕種盡爲有力者賤價當去秋成之後貧民毫無生機實爲不公卑縣如此想他州縣亦有然者欲仰非中堂出示或札飭各州縣出示凡連青苗典當之地秋成之後必令其與原地主分收地利並準原地主卽行回贖不許以年

分爲限如當主已將地利全收卽準其以所收秋穀作爲當價將契發還地歸原主耕種不得再行霸種此於富民子本無虧利息已厚而於窮民可以不至年豐而無穀可食人籽而無地可耕宗誠爲安民起見是否有當伏祈酌核施行

上李節相再請全行豁免狀

再直隸去年之旱雖若輕於山西而晚穀未收冬麥未種則與山西無異所幸離水路稍近米糧尚可販買販賣自自去夏至今貧民皆恃土地房木牲畜衣物以苟丰旦夕之生今年卽獲有秋而春麥旣無晚穀難種不過植梁穀一季收成而已以一季收成供一歲之食用

集後編二十二

六

杜富者已不能有餘杜貧者不過落收成時一飽況貧者田地已陸續賣盡當盡或逃亾杜外或雖逃歸無安身之資若復責令完上年歉收之下忙今年停緩之上忙其將何出卽或尚有十畝八畝亦止能完本年下半年一季之糧銀若帶征三季其何以堪沿門追呼執必更加逃亾卽數十畝之家收成一季而去今兩年典衣待贖借項待還牛驢必須再買子種必須清還若再令其完三季之糧銀亦屬力所不足山西今年上忙錢糧已奉 特旨豁免直隸僅有十七州縣成災之村莊奉旨免完今年上忙錢糧其餘歉收村莊仍須於秋收後徵一年之錢糧並帶徵上年停緩之錢糧竊以 聖

德如天無不杜覆疇之內各州縣上年災歉雖有等差而今年民間之苦則無等差元氣大傷非非 皇上

大沛恩綸何以寬民力而養民氣惟有非 皇上於

今年下忙開征之前 特降恩詔去年災歉之區今春無麥之地但徵本年下忙其去年停緩之下忙今年停緩之上忙全行豁免以養民間之元氣如或不能全豁亦宜請今年只收下忙其去秋今春所停者緩至來歲以後分年帶征亦可以寬民力如此則小民饑饉餘生少一分追呼之慘即可少一分逃亡之憂且爲 國課起見不帶征停緩之錢糧民間尚易於完納若帶徵上年並去年之糧銀百姓更退阻不前反致本年下半年難以全完伏惟裁之

集後編二十二

九

上李節相再請全行豁免狀

前日肅稟二件尚未奉到鈞批昨閱邸鈔恭讀六月二十五日 上諭朝廷軫念災黎實深屢系見杜將屆下忙開徵之時小民困苦顛連何堪追呼逼迫所有直隸河南被災等處本年下半年下忙錢糧如何分別蠲緩令中堂奏明辦理仰見 皇上厚德深仁無微不至而所以重任中堂者亦可謂知之明而信之篤矣萬億生靈疾苦系於中堂之一言宗誠何敢越分妄參末議惟一縣之困苦有不敢不上達於中堂者竊以上年災歉雖有輕重之分然餓殍流離杜歉收之地不過稍遲稍少

至冬春以後則各村皆然矣今夏瘟疫大行成凶甚多  
今尚未已幸自六月二十三日以後風雨調和禾苗先  
雖被旱後皆轉秀可望有秋惟如久病之人氣極極矣  
查康熙閒屢有預免天下第二年錢糧之 詔培養民  
氣卽所以培養 國脈今縱不能如康熙閒故事而

皇上諄諄念切民艱之仁心欲免今年下忙錢糧屢降  
詔旨惟恐澤不下究則與 仁皇帝無異此所

以能感動天心挽回氣運也竊以近年庫款支絀凡今  
歲年穀順成之區縱不能施蠲緩之恩而去年停緩之  
下忙今年停緩之上忙以及歷年之民歉例應本年帶  
徵並徵者急宜乘此機會奏請豁免以廣 皇仁而

集後編二十二

三

培元氣且此番百姓逃亡絕者甚多田地半已易主  
而帶徵並徵於 國課無補而徒滋搔擾伏讀 皇

上諭旨尚欲免今年之下忙斷無不允免帶徵並徵之  
理宗誠感中堂之知遇憫民生之顛連不得不再陳下  
悃前奉憲札荒年賤賣之地許原業主贖回極爲仁民  
之實政善後之良謀惟富民有執有力必至興訟以累  
貧民加以官吏或受賄託難期實濟惟有請中堂援嘉  
慶閒之 諭旨而少變通之切實奏請 諭旨出

示頒發各州縣實力奉行則富民不至把持抑勒可絕  
爭訟之端庶於貧民生計有裨而於富民亦可保其家  
業是否有當伏惟鈞裁

上李節相捐建義倉積穀狀

竊宗誠蒞任以來志杜爲民修廢舉墜輿利除害查縣志所有常平社義諸倉久無一瓦一粟之孑卽地基亦多廢爲民間取土之坳堂一時難以興復且查縣內祀典所載之壇廟祠宇與夫考棚書院義學養濟院河埵志書事事皆關緊要必須循次修理至光緒二年諸事皆已倡辦就緒始欲專力修倉查棗強舊有義倉八座分杜四鄉當時原是惠政後來官府出陳入新漸漸動用穀價派捐彌補民間視爲畏途又奉文撥運深州從此遂無倉穀且凡有義倉之地方向章免應縣中雜差改爲歲修一差每年一處五十千後減爲三十五千各

集後編二十二

三

處倉正經管修理後來倉穀既空歲修一款由地方交一半於縣署以資辦公仍如差徭之例倉正所留一半亦不修理由是倉廩盡壞矣宗誠到任以後每年義倉地方所交歲修一項除倉正所扣外約交一百餘千孑庫不用積至光緒二年已孑九百餘千遂於去年擇城隍廟東空地一片杜前勅建考棚書院之後地執爽塏建成倉廩六間四面上下盡用甄壘成高大堅厚用京錢二千六百餘串今春因災民無會木料甄瓦難售加價購買增建倉房甄瓦不足適值河西廟塔山門爲雷震倒卽雇附近貧民搬運入城以無用之物爲修倉之用棗強地面向分六路曰縣前縣東縣西曰南關東關

西關今將倉廩分派六路各路之穀藏於各路之倉榜於門檐以免爭端業已修造落成連上年所修某成倉廩十九間官廳三間大門一間統某用錢七千餘串此宗誠修倉之章程也查上年二月奉憲札飭各州縣於歲收豐稔之後諒勸有力紳民量資集助先修義倉後積穀石本年二月又兩奉憲札飭知奉 上諭以給

事中崔穆之等奏飭各州縣設法整頓倉廩勸諭紳董經理義倉宗誠念大荒之後民力維艱故修倉一層應由宗誠自行籌辦惟積穀不得不藉資民力且今秋歲收中稔穀賤錢艱卑縣辦公差徭每年約有三千餘串自去年夏旱以後至今今年秋收已免民間差徭錢四千

集後編二十二 三

餘串秋收以後應令交差各州縣皆然宗誠體恤民艱仍行出示停免分文不取加以憲台屢次奏免錢糧又免征本年上忙糧銀停征下忙三分糧銀小民無不感激 天恩又見宗誠日夜督修倉廩亦皆知感俱願量積倉穀爲備荒之計見社各村有力紳民自行開單報捐者某有棗強斗四千石合倉斗五千餘石擬以六路之穀各收各廩將來何路村莊災荒仍由各本路倉穀中借濟民倉俟收齊之後所空倉廩宗誠擬再自行捐補收穀之法擬定日由富戶用車交倉每路擬派紳董四人監收各收各路收齊之後各路穀數官中杼一簿紳董杼一簿封條由官用印固封各路紳董亦墨寫

一封條畫押固封每路廩中穀數亦必寫明封條之上鎖鑰由各路紳董經管每遇何路有荒必由何路紳董稟請傳集六路紳董商議批准具領官紳俱不得私自動用何路借出豐年之後應仍由何路歸還以免爭端此是民間捐穀備荒與宗誠自行捐奏籽與民間之款官府固不得藉公動用卽鄰邑有災亦不得借撥以致歸還無著每遇官府交卸之日必傳諭各紳董到城驗倉加封前後任無庸盤倉以節靡費如當出風之期亦必傳諭各紳董公驗公看總不許藉口出風私自開封以致有失每遇荒年由本地紳董與地方官商議領發但以數目報明上憲收還之後亦以數目報明上憲以備案卷此宗誠辦理積穀之章程也是否有當理合稟明憲台鑒核如以爲可謹非頒發告示永遠懸掛倉中補載縣志實爲德便

上李節相籌加捐倉穀狀

宗誠去今兩年因卑縣義倉久廢屢奉憲台札飭勸諭有力紳民修倉積穀宗誠以民力維艱稟明省積辦公餘款并挪用攤捐未解各款自行捐建義倉十九間官廳三間大門一間業已稟明憲台並蒙頒發匾額杜案秋成之後幸獲中稔遵照憲台前札示諭各村有力紳民捐穀籽倉當由紳富自行開單報捐者四千石亦已將收穀並籌辦永遠章程稟明憲台并蒙頒發告示杜

案至宗誠今春正月稟請以上年災村紳富預完糧銀借作合縣民間耕種子種蒙憲台批准散給民間因此地畝毫無荒蕪秋成幸獲中稔理應徵還爲紳富畱抵今年正賦旋因紳富聲請情願作爲捐款毋庸追還畱抵亦已據情稟明憲台蒙批應準照辦社案八月以後宗誠念 國課爲重自應先徵解正賦茲於十一月終已將今年下忙七成正耗銀徵起儘數批解旋即召集各鄉紳董來城公收捐穀入倉自十一月二十四日起至十二月十日止前所稟明各村捐穀四千石業已收齊紳富因空廩尚多又捐穀四百石其城斗四千四百石皆過扇車堅實乾淨拂數入倉所空倉廩尚可盛城

集後編二十二

五

斗二千六百石見杜上穀每城斗一石合價京錢四千五六百文宗誠又挪動歷年攤捐未解之款買穀一千八百石其前借子種之家宗誠業已遵照憲批出示曉諭無須歸還民間無不感激憲恩是以下忙錢糧皆照七成如數完納惟其中亦有貧苦殷實不等其殷實者旣感紳富好義之誠又念積穀備荒之善且見紳富及宗誠皆竭力捐穀存倉以爲永遠之計子種旣免歸還亦情願各捐穀數斗存倉約計共捐八百石統計共收入倉者棗強城斗七千石合倉斗一萬石於十二月二十六日一律收齊各廩皆已充實俱照憲示由紳士眼同鎖固開列穀數公寫封條除將各章程並各村捐穀

數目分晰造冊通詳立案外理合先行稟報中堂查核  
上李節相籌城工書院考棚義倉名宦鄉賢祠歲

### 修費狀

宗誠所修書院考棚名宦鄉賢各祠義倉皆高大堅實  
一時不用修理惟城工係前縣李牧經手修築歷久必  
須歲修宗誠屢思籌一長久之計而勸捐籽放亦覺煩  
瑣有弊查棗強向章各地方皆有應辦雜項差徭以爲  
縣中辦公之需惟有義倉之八地方以縣差改爲倉差  
名爲歲修後義倉既廢每年歲修一項除扣倉正工倉  
外仍交縣署辦公一如雜項差徭之例應有年所宗誠  
到任以後所收義倉歲修差錢積存庫中不用留爲重

### 集後編三十二

五

建義倉之根基今宗誠杜城捐建義倉已成鄉間並無  
義倉所有八地方歲修差徭應照舊章改爲雜差與合  
縣地方事同一律方爲公允惟念城工歲修無款可籌  
卽宗誠所修書院考棚義倉名宦鄉賢各祠將來亦不  
免有歲修之處與其後來籌款又費周張不如卽將此  
義倉歲修一款改爲義倉名宦鄉賢兩祠城工書院考  
棚各處歲修之用鄉間旣無義倉應革除倉正名目每  
年照章秋後由縣催八地方交齊由管理城工書院考  
棚義倉等紳富具呈請領籽商以爲各項歲修之用此  
杜八地方係照章應出之差徭且比改縣差較少於民  
甚便而於城工書院考棚各祠有此一款每年歲修可

以不致圯壞卽杜厯任知縣每年少收此歲修一差亦無大損於己而永遠有利於民有益於公愚見籌畫如此是否有當恭候鈞示遵行

上李節相差徭互按畝均勻議

前奉本州轉蒙籌辦助賑局札以奉中堂札發山西撫院曾奏彙一件竝飭各屬體察情形酌仿晉省章程至差徭雖迭經定章酌減恐亦有飛灑詭寄張冠李戴之弊矜監廟職功牌等類不按章程任意圖免甚或從中包攬致使小民重受差累應飭各屬認真整頓釐剔務歸平允其非定例定章應派者概不準藉端苛派以資休養遵查卑縣辦公各差向章本輕同治元年前縣李

集後編三十一

三

牧勸捐修城因公減免差徭三分更較他縣爲少宗誠到任以後查皆係卑縣中辦公之需不便再行減免以致異日諸事棘手惟自上年夏初不雨以後卽全行停免至今年秋成雖屬中稔宗誠體察民艱仍復全行停止計兩年之間免民間差徭約四千餘串冀可稍培元氣今奉憲札飭令認真整頓查棗強向章差徭各村皆按牌甲分定成數斂交應有年數杜當年成數係按地畝之多寡戶口之貧富均分原無不公不平之理數十年以來或此牌先貧後富或彼牌先富後貧或此牌人戶先多後少或彼牌人戶先少後多而差徭並不隨地均攤仍按昔年各牌成數斂收實有多寡不均苦累貧

民之弊至去今兩年大荒之後地畝更多變遷瘟疫盛行人戶尤多寡不等卑縣如此他縣想亦同然宗誠見杜兩年雖已停免差徭將來必有出差之時若仍照向章貧民必多受累不照向章刁民必起爭端可否請憲台定一章程札飭各州縣差徭一項不準於向章絲毫有加但令各村牌甲必須察照見杜地畝分派不得照昔年成數致令戶單地少之牌爲地多戶眾之牌受累愚見是否有當伏候尊裁

上李節相請災區停派大差狀

再查直省上年秋災今春無麥夏秋之間瘟疫大行民間之苦慘不可言幸遇中堂仁心爲質請調請賑救困

扶危上感天心得以有秋然民間之苦恐尚有未盡知者謹詳陳之上年大旱之時民間富者尚有歷年籽餘可以營生貧者尚有宅地牛驢衣物可以賤賣自去夏至今秋年半之間糧價昂貴異常無論貧富皆須糶糧度日富者歷年所餘漸已用盡牛馬亦多出售貧者室如懸磬度日如年所以去秋雖未種麥而地土多已耕犁以牛驢尚未盡賣也今春瘟疫未行但得口糧尚可以人耕耨但得子種即可不致荒蕪以人口尚少處也今秋則不然以卑縣而論宗誠春夏之間日夜籌借口糧子種又勸紳富捐散子種地土毫無閒曠秋成亦獲中稔不料秋收之時瘟疫大行病者十人而九計一

村喪亾者多至一二百口少者數十口既無人力又無牛驢收割之時梁穀無力搬運入場加以陰雨太多杜場園者亦無力斂聚入家地無人力牛驢不能耕麥因子種過貴不能種穀賤錢艱非穀之多也歿者須買棺木生者須製冬衣貧富皆須賣穀而一無屯積之家所以民間苦況格外艱難卽錢糧正款除已減成尚征不起鄉閒地土以十分計不過耕有三分種麥者不過一二分約有七分尚未耕犁明春天氣回陽人力既少牛馬又單欲手如今春之無荒地恐必不能見聞明春有山陵大差以宗誠測之恐被災各州縣俱未必能辦往年大差無論修道及幫辦支應大縣須出萬緡小

集後編三十一

天

縣亦數千緡不過十日之內卽須措齊皆賴各鄉富戶先墊然後按牌加利歸還今富戶皆無寬餘貧民斷難攤派至修道必須人力鄉村農民歿亾逃絕者十室而五耕地尚屬無人夫役從何而出至於馬差向皆僦耕地之馬來往按日計算一馬一夫每日一千五百文若一縣派二十餘匹民間又須派一千餘串耕地既無馬騾差馬又從何辦

山陵大差萬無可推而就見杜

情形論之恐被災各州縣與附近災區斷難承辦想中堂痾瘵杜抱必籌所以權變之方宗誠愚見修理道段能否如前次修河辦法暫調各營兵勇修理一次卽差馬亦可調營馬權應大差以抒民力至幫辦一項或於

通省州縣中擇其未被災地方酌量勻派或另設籌捐之方不令派之於民以紓民間一年之力嗣後永不爲例仍照舊章是否有當伏候鈞裁

上丁方伯增倉未成不願并遷狀

本月十七日奉到初五日手諭以中堂擬并誠開州令卽請咨引見拜讀之下感悚難名自顧衰慵何堪任此策勵雖壯大府擇吏安民原屬至公無私之見而杜菲才末吏則當守分安命豈可稍好趨避之心去冬災事已終倉穀已積至萬石地方正雜內結各款尚無虧欠訟獄之事亦無留牘故屢思請假南歸年逾六十戀官不已大非初心且恐爲天下後世學道者所笑也乃未

蒙各大府所許是以姑少待之定於今春眷屬先歸卽稟請開缺不料五月內大雨時行倉穀太多積壓太重上積壓則下擠滿倉廩牆壁雖云堅厚據紳民僉稱入伏以後暑溼上蒸穀子上壓下漲或有傾倒加以大雨其何以善其後宗誠南人未知北方穀性間之心悸是以急借書院考棚並附近閒房搬運出風幸無損壞計非經營添造倉廩分盛積穀不可見杜仍不勸捐擬以今年差徭及錢糧平餘辦公一款向來爲署中倉用及解攤捐之用者今加省節收買甄瓦木料石灰土坯俟七八月閒天氣晴穩卽行借用縣署前空地添蓋瓦房二十六間並修補前倉大門前二閒告成之後將原穀

分盛兩倉之中又買席數千張每廩中做席固讓開牆  
壁使穀不得擠牆如此方可經久通計添瓦房二十六  
間修補前倉二間以及買席做囤搬穀出入時須三月  
方可一律竣事東坡論漢晁錯能發之必能收之宗誠  
勅建倉廩積穀本非紳士所願意宗誠一力捐建伊等  
不得不捐穀以助今若請咨引見而去增倉未成穀有  
失少誰任其咎自今而後知善政之不易爲也既已爲  
之惟有始終成全無累後人無累百姓而已定計倉穀  
歸原之後卽爲請歸之計至於升遷雖蒙憲恩而義命  
不可不安職分不可不守君子思不出位鄙陋之見伏

維鈞鑒

集後編三十一

三

上李節相請假回籍狀

宗誠皖北迂生才庸學淺是以少安愚拙曾無干禱之  
心繼因遭際時艱不得已歷游幕府雖亦志矜利濟而  
始終不爲仕進之謀乃蒙前憲台曾於奏調人才摺內  
謬列賤名奉 諭旨發往直隸以知縣補用自顧愚陋  
辭謝不獲又蒙憲台奏補棗強實缺感激知遇惶恐殊  
深奉札於同治十年二月十五日到任視事州縣爲親  
民之官時慮不能報稱上負憲台及曾文正公知人之  
明屢次上稟乞休皆荷降函不允竝蒙大計之年登諸  
上考又以辨賑微勞疏請議敘名過於實益切悚慚且  
蒞任以來凡有刑名之案曾無駁飭凡有條陳事件罔

不稟嘉凡有與廢舉墜之事無不由賜成全俾無棘手  
知遇如此何忍遽萌自逸之私上年蒙諭令久保卓異  
應速請咨引見可得并階宗誠適以增建倉廩尚未竣  
工義當素位而行不敢孑進取之念據情稟覆仰蒙憲  
台函示準與從緩見杜經手事件雖已完竣而精力衰  
鈍難任馳驅查宗誠杜任九年事事躬親舊案新案隨  
到隨結無一畱孑之積牘經徵錢糧雜稅儘徵儘解無  
一畱孑之庫款惟前因荒年捐賠撫糧勸建義倉積穀  
萬石曾先稟明憲台係挪動未解攤捐之款後復通詳  
立案故今惟有攤捐項下欠款實杜無力清交餘無經  
手未完之件前月晉省謁見憲台屢以精神罷敝乞準

假歸仰蒙獎飾有加慚感交集宗誠今年六十有三歷  
年盡心辦公時守先勞無倦之訓幸少貽誤惟自恨學  
未優而入仕是以仕未優而仍學教養諸政未敢倦勤  
窮經攷史公餘不懈勞心過甚目疾時發頭暈心眩記  
性全無近則目疾益昏精神益散實難勝州縣之任且  
官久民散心力尤難照顧深恐戀官不舍末路貽譏尸  
位素餐於出處進退之義未能無愧少年時孑恬退之  
懷老至乃忘貪得之戒言不顧行將爲學術之羞是以  
縷陳實杜情形伏乞憲台俯賜擇委賢員來縣署理並  
祈諭令接算本任交代無得遲延俾宗誠得安愚拙無  
負初心且離家十餘年墳墓多未修理欲請交卸之後

回籍省墓藉以休養月餘如精神尚可任事自當速卽  
銷假備文請咨送部引見再候差遣如實壯精力日罷  
難期振作屆時自當申請開缺固不敢孑偷安之意亦  
不敢孑戀棧之心伏希鈞鑒

集後編二十二

三

柏堂集前編跋

予幼承先考鶴樓府君庭訓謂世篤古學不可荒失少長師事玉峰許先生又從從兄植之先生遊始稍知所嚮方於諸經外喜讀周程朱子之書賈董韓歐曾氏明歸氏之文於近世儒者義理文章之學則好翫味薛文清張楊園陸清獻方望溪姚惜抱諸家之言授經養親牽於時藝未能深造有得而變敵及矣避地柏堂年已三十有六爰取自道光丁酉迄咸豐癸丑冬十月以前筆記編次之復取所撰文冊次為一編別類為十四卷留示子孫庶不忘先考先師之遺教云爾

柏堂集次編跋

跋

咸豐癸丑十月十四日桐城陷予避地先世之柏堂荒山寂寞之中傾覆流離之際存全家俱出於險仍呂經史儒先諸子集自娛時父師已先棄世矣諸友門人子弟好古學者時往來山中講問學業予間亦出山授經窮鄉僻壤之閒越五季霍山吳竹如先生聘之山東藩署遂於咸豐己未二月十五日至濟甯時年四十有二矣居數月既編訂敵中所著俟命錄為十卷復取山中所作雜文冊訂之次為十三卷文無足存也聊以存蒙難避跡時之梗概而已

柏堂集續編跋

咸豐己未春予始出險客山東藩署其冬吳竹如先生

改官直臬復徙居保定一季時安徽寇敵未已湘鄉曾文正公益陽胡文忠公圖進取江南俱致書速予歸辛酉春啟行過大梁阻撓寇遂為新繁嚴渭春中丞所遮留同治壬戌嚴公改撫鄂復延予之武昌遂謁曾文正公於安慶反客為昌一季文正公復命歸安慶次年遂旋寓安慶往來金陵濟甯杭州上海退隨於戎幕之中遊覽夫吳越齊魯之勝舟車靡定學殖日荒文正公命作令江南不敢應也同治戊辰文正公移節直隸疏調八人而予名濫列其間生逢世變精力早衰年已五十有二無復經世之志矣然奉朝命不敢違遂於己巳冬十月重至保定寓中多暇既刪訂諸經說筆記若干

跋

二

卷復檢客遊十季所作雜文刪錄之次為二十二卷雖空言無施慶不足以濟實用然歷世艱危復睹承平大鄙儒遭際之幸也聊籍文臣存世運之反易遊踪之所至云爾

柏堂集後編跋

同治己巳冬予奉曾文正公辟至直隸遂從居保定天津復隨之京師庚午冬文正公回節江南繼督畿輔者為相國合肥李公疏請呂承補授冀州棗強縣令遂不得從歸江南辛未春二月望親事光緒庚辰夏六月望前一日始得以病乞假歸冬十一月至安慶夫學優而仕子憾未能矣仕優則學更不逮焉然十有一季中讀

書從政之餘有不能不見諸文者雖去古作者遠矣而  
議論叙記閒有必存以待考證者固未可盡棄之也既  
刪訂所著春秋集義成書復取雜文次為二十二卷總  
前後為四編命次子守彝校而藏之呂侯正於後之君  
子其書牘別為外編歸里後所作者擬為餘編云光緒  
六年冬時年六十三歲宗誠識

跋

三

